

湯陰縣志序



蓋聞生人之氣運治亂迭
乘天嘗預儲治治亂亂之
才當天下治亂故虞乘唐
治有治臣周乘殷亂有亂
臣各抱其畧出所具材以

志序

一

應治應亂如生乎其地而
蠢焉亦必有已蠢之材生
乎其地若鑄神鈇而天下
不逢不若至展錯其奇而
各視其時之所急又若秦
越人鑿血脉于標而畧材

素穡一方無陰陽之患今
天下丹徼四焚潢池未靖
吏需武健政需饒兵地需
城池材需輜械此無一不
辦自百姓而

朝廷雅不欲苦百姓以賦歛重

志序



二

仍有司又不能辭措辦而
別有運輸故方今急戰守
如病之標而武吏不戰文
吏不守其不能守則以無
守之具舟畧舟人其無具
無畧無人則以

朝廷飭有司措城守之具而有
司以賦歛重仍之民賦羨
而再之辭緩而三之故民
之窮次骨而繆懦者旣或
舉避其咎執避其怨苟日
月而傳其官而武健者又

志序

三

或朘民完額賦而再三以
實例索故小民更無可爲
且借
朝廷措辦城守之具而有司亦

朝廷不恣加之意而諉其具不
問迺予邑沙令公爲予邑

其備戰守之大百務俱興
而又能修學宮修祠署暇
更讀舊乘而謂不該不盡
庶之今昔記聞集載筆而
獨裁之以予孫諸生嗣昌
走千里索叙其端蓋邑乘

志序

四

以天啓癸亥初修而予爲
叙迄今更十餘年間誠有
不該不盡而續當入者獨
念今天下方衆苦

功令所考成不暇一一措辦而
沙令公獨能綽然爲城爲

池爲兵爲饑及應聲徵調
萬千之費罔不備而又綽
然繕修學署諸大建遂以
其暇修邑乘而該盡其事
之辭使往有爲模來有爲
鑒其上若無所事其下若

無所苦其地則瘠而若沃
勞而若逸凡以令公因民
以願而不牽其所不能潔
已以裕而不斂其所自需
故民力饒而起視吾蠅帖
然臥矣令公乃得出我所

素寄于民者若傾囊倒庋
于宿儲以有爲而成而小
民不過以其應供于上者
之一二分給公家以應令
公所爲而橐常若有餘總
之徵公徵私吏或竭澤奉

公奉私民無祝網令公去
其私故能急其公耳予快
邑乘再成而更快令公以
約已裕民而成邑乘嗟乎
實一任之貲于橐或以凶
家捐一任之橐于民迺能

爲

朝廷急

功令以戰以守以安天下吏士
者柰何謂

朝廷予我一官而富貴之也予

又歎邑乘屢變而邑中聖

志序

七

賢豪傑所爲以道德忠公
維生民治亂之運而並天
地無窮者必不能加一詞
而變然則後之繼治而銷
亂萌閱所變以應猝于標
閱所不變以安天地之常

經于本庶其有天地應氣
運之人也令公意在斯乎
崇禎歲在丁丑夏四月之
吉

賜進士及第特進光祿大夫左

柱國少師兼太子太師兵

志序

八

部尚書中極殿大學士兼
支尚書俸知

制誥 起居 經筵 日講總


裁 實錄

王牒參詳章奏兼掌樞曹奉

命督師改兼吏部尚書 予告

奉

詔召起仍改兼兵部尚書督師
予告邑人孫承宗拜手言



志序

九

湯陰縣志序

余於乙亥夏日抵湯甫釋其宿盤旋
分竹使猶然未搯刀而割也時虜
寇孔棘首以城守為事而湯之城
則甚圯於是進邑之諸薦紳父老
而曲計之與余指合且各齊心協力

湯陰縣志序

一

踰躍鼓舞盡易土而甃之而城以固徐
乃事於諸梓畚興休之役亦皆不勞
餘力犁然就理而度以興墜以舉又
從事於學宮修古之事亦靡不依絃
誦戶詩書觀摩樂育而士習以振
甯是或湯之易為治或顧余之誌

以治之者為未得其要領也於是取
湯邑舊志反覆閱之曰致治之道將
在是矣蓋自古之善治天下者莫
過於周殷周繼世所因者先禮三大
焉漢去周未遠井田封建制已不得
其詳鄒侯入關獨收秦國籍史稱

湯陰縣志序

二

其得體是故監於成憲則不愆誦詩
三百授之以政則達古記之矣矧為一
邑者乎為一邑者於以立事而臨民也
庶事之待理者至繁劇而不一民之行
命者亦至繁錯而不一苟不循其固
歷按其已然而欲以更化善治其可得

聊夫綜其固然已照之跡而登往知來
則莫邑志若矣故邑有志猶

國有史凡一邑之志一邑之出俗民風大政

大事具悉焉其良法美意皆出先賢
心息經畫之餘其疆列條分比焉而後
人斟酌裁鎔之藉因之者若匠石民視

湯陰縣志序

三

規矩準繩以為方圓平直茂有軌而
越焉者矣且湯為著

岳忠武王公

孫太師之系粹邑文武芳徽今古輝
映待云高山仰止景行行止官是邑者
仰之行之不尤易於取法而興起乎哉

顧舊志修於天啓癸亥歲迄今十有
五年余猶嫌其或有不該不盡也則
又以謀於諸薦紳父老曰志之為物
也久則應續蓋則應刪殆則應削遺
則應補湯志得無有應續且補者
乎諸君曰諾時蘇吳三孝廉君董因

湯陰縣志序

四

西明徑品在坐余夙雅聞其鴻博有卓
材也敬授簡以請而又以諸生草生終
實蘇生亮等八人佐焉不數閱月遂
竟殺青余得讀而卒業焉為目十有六
卷十有九其世則自三代以迄於茲其紀
則自憲律以迄物序其人則自官師以

送胥史其政則自較較以送兵刑其事
則自鴻鉅以送廕襍其文則自載
述以送歌咏體例以聚其凡論贊
以區其義而如無彙之防謂不該
不盡者書成態

孫懌陽師相弁諸首

湯陰縣志序

五

鄭民部先生既其後亦既無遺議
矣諸薦紳父老猶以為余嘗有
言余駢淡復可言蓋又嘗反及
閱之而知無易於因之況也此非余
臆言也管大夫曰不行其野不違其
馬以家治家以鄉治鄉以國治國以

天下治天下而後可以為治是以
古之善治者因民之所能便而訓之
而上乃不驚田事之所能習而遂之而
下乃不駭不則棘於收効則矯俗而
豹音矣果於行意則刻情以班事
矣彼且上驚而下駭其何以布令

湯陰縣志序

六

於流水而措政於游而耶繼自今按
故實而求之時其法宜而輕重布
之將日不足而歲有餘余知法以
治湯矣抑余猶有感焉夫志之
修其大者尤以公是非而昭鑒戒邑
人式仰先矩無俟於言然振舉執

範機在官守仕於其地者不知代
幾何來幾何必功庸操履乃盡
若曠廢不任存其名者自是志不
可以不急修而仕者亦不可以不急
自修嗚呼及時而功不立沒世而名
不稱君子恥之况天下後世公論難

湯陰縣志序

七

掩獨知情夜扣心自覺可不知防
畏或可不知防勉然 時

崇禎十年歲在丁丑清和月之吉
知湯陰縣事洛干沙蘊金仲葵南頓

首謹序



社弟高登雲書



